

کلمات

سید سلام

• 122888787 - 0101307999

00/3221199

إهداء
إلى كل فتاه تعرف
معنى الحب والوفاء والتضحية

إهداء خاص

إلى من أعطيتها كل ما أملك من حب إلى من أعطيتها كل دمي
وعمرى وحياتي إلى من عشقتها كما لم يعشق أحد من قبلي
إلى من أحببتها حبا.

لو طبعوه على ورق ما وجدوا ورقا يكفيه

إلى من أحببتها حبا

لو كتبوه بأقلام ما وجدوا حبرا يكفيه

إلى هذه الفتاة التي اكتشفت أنها تحب أن تأخذ دائما ولا تعطي أبدا
تحب أن تمتلك كل شيء وأي شيء ، أنانية المشاعر.

تحب أن تكون دائما تحت الأنظار إلى هذه الفتاة التي جعلتني
أعاقب قلبي وعيني وعقلي لأنهم اتحدوا جميعا ضدي على حبها
إلى هذه الفتاة التي لا تراعى المشاعر ولا تحترم الأحاسيس.

كتبت هذه الكلمات بعضها وأنا غارق في بحر الحب والبعض الآخر
وأنا أعاقب نفسي لأني أحببتها كل هذا الحب.

ويا ليتني ما أحببتها .. ولكن هذا هو قدرى

لا تسألوني من هي فهي تعرف نفسها

سيد سلام

مغروره

مغروره أنا عارفك
أنا رافضك
وسهد الليل أنا رافضه
واسهل حاجه نسيانك
مادام الفرحة موجوده
عنيك الجرحه مرفوضه
وسكة قلبي مسدوده
ومش مسنتي احسانك
هـ أعمل قصتك صفحه
برغم الحب ع الهامش
وأداوى الجرح مع غيرك
ومش يلزمني عنوانك
مغرورة أنا عارفك
أنا رافضك

وأسهل حاجة نسيانك
وفرحة الدنيا ح يغبني
ويزرع فيا شوق تاني
وغيرك بحره يرويني
وغدرك بكرة ينساني
وبكره تعيش مجروحاه
وسكة قلبي مفتوحاه
لكل الدنيا مش ليكي
واعيش العمر متهنى
وتبعد عنى أحزانك
مغروره أنا عارفك
أنا رافضك
وأسهل حاجة نسيانك

قراری الآخر

قراری الآخر
بالبعء عنك
ايتك كتير
ايه خدته منك
جرحتي اعتراري
قتلتني الاهدات
وآخر قراري
يا عمري اللي مات
ح ارد اعتراري
وح انسى اللي فات
وح ابعء بعيء
ح ابعء لانك

اديتك كتير
ايه خدته منك
عشقك ودايب
وهنتي عليا
يا اغلى الحبايب
واكثر شويه
وح ابعده وسباب
دموعي ف غنيا
وابعد بعيد
وح انعدم لانك
اديتك كتير
ايه خدته منك

تعبت كثير

تعبت كثير ما حسيتي
بأني معاكى تعبـان
وخذتى كثير ولا اديتى
بصيص النور لحيران
بنيت السد لبحـورك
زرعت الورد فى جسورك
وخذت الشوك أنا وحدى
رجعت لأهلى عطشان
شففت كثير ولا لقتش

طفت كتير ما خلتش

مراكب سايره أو مينا

وعشت كتير فى حرمان

طريقك ياما دوتنى

وحبك ياما غلبنى

رمانى فى نار وعذبنى

رجعت بقاى خسران

ابعدینی

ابعدینی عن هواکی
عن سماکی .. عن ضیاکی
متخلیش الحلم یکبر
ابعدینی یـاملاکی
لو نداکی قلبی باکی
قلبی ممکن بکره یصبر
ابعدینی عن حدودک
عن نسیمک عن ورودک
صعب تانی قلبی یغفر

أنت يا وردة ... يا مركب فضة
في بحر النور
قلبي في حبك لما اتوضى
كان معذور
لف الدنيا ولف الكون
قابل ياما كتير عشاق
قابل قبلك كام مليون
عمره ما حس بنفسه وفاق
لما النور من عينك عدى
حس بطعم الحب وداق
سلم قلبي وعندك هدى
قال دلوقتي وصلني الدور

قلبي في حبك
لما اتوصى كان معذور
مش هـ نـ دور
ع الأسـ باب
اللى بتجمع أى اتنين
ولا هـ نـ قول
مين فتح الباب
ولا هنقول كان امتى وفين
فكر العقـ ل
ودق القاـ ب
كان ويـ اهم
نظرة عينـ

نویت

نویت ع الهجر من بدری
وخذت الشمس من فجری
وطار غدار هواك یجرى
وساب النار بتکوینى
نویت ونسیت تودعنى
وسبت الحیره تو جعنى
یخذنى الموت ترجعنى
بقایا الذکرى تحینى
نویت ورضیت تحیرنى
بکیت ما رضیت تصبرنى
مشیت وعنیک تهجرنى

زرعت الخوف فى نور عينى
وكان بختى أعشى مكسور
وتاه وقتى جريح معذور
وساب الدمع يروينى
بنيت صرحى وقع تانى
لقيت فرحى بينسانى
داريت جرحى وأحزانى
وقلت الصبر يكفينى

يا هاجرني

يا هاجرني

لو فاكرنى ح أنسى حبك

تبقى واهم بالخداع

لو نصيبك يوم يجيبك

لحبيبك

وانت فاهم انه باع

رح تلاقى ... الحب باقى

والفراق هو الذى ضاع

يا هاجرني وناسى حبي

انت فاكر قلبى ايه

قلبي مش ممكن يخبي
انت بالنسبـاله ايه
انت كل الدنيا عنده
انت شمسـه
ونور عنـيه
مهما تبعد أو تعانده
لما ترجع يوم اليه
وانت فاهم انه باع
رح تلاقى الحب باقى
والفراق هو اللي ضاع

بلاش الوداع

وصلنى كـ____ابك
فتحت الجـ____واب
وبين السـ____طور
لمحت العـ____ذاب
كلامك جـ____ريح
حروفك بتـ____طق
بمعنى الـ____وداع
وقلبك صـ____ريح
ما يعرف يـ____بى
ما يعرف خـ____داع
بـ____لاش الـ____وداع
بـ____لاش الـ____وداع
لتبـ____قى حىـ____اتى

بدونك ضياع
وتسكن فى عيني
دموعى الحزينه
وأفضل وحيد
عيونى شريده
فى وسط المدينه
يا أحسن عيون
فى أصعب زمان
يا أكثر عيون
تبص بحنان
يا ريتك بتكذب
فى آخر جواب
يا ريتك بتكذب
وقاصد عتاب

ح أدارى الدموع
وأقيد الشـمـوع
وح أفضـل أغنى
ليوم الرجـوع
دى شمس المحبـه
ما تعرف غيـاب
وقلبى اللـى عمره
ما داق العذاب
جوابك زرعـه
بداية سـراب
يا ريتك بتكـذب
فى آخر جـواب
يا ريتك بتكـتب
وقاصد عتاب

أحلامي

أبعثر أحلامي

بين يدي

وأنثر أشواق

تطوف الدنيا

ترسم صورة

وتعود إلي

أجمع كل حروف

العشق التائه

أزرع عمري

في عيني

أرصادها

- أرصادها
بين النجمات
ملت
وبريق حياتي
الماضي
المشرق من عمري
والأمم
الحاضر والآتي
أذكرها
وحيدا في نفسي
أذكرها
كل الأوقات

أرْقُبْ _____ها.....

فِي دَعَاةٍ تَسْجُحْ

بِدَمٍ _____أَتَى.....

وَتَبَيَّنتُ وَتَصَبَّحْ

أَرْجُوهُ _____أ.....

أَنْ تَغْفِرَ ذَنْبِي

وَتَسَامَحْ.....

قَلْبِي وَتَصْفَحْ

مَعَ أَنفْسِي.....

لَا أَذْنِبُ مَعَهَا

وَأَقْدَمْ.....

كُلَّ الطَّاعَاتِ

علمتني امرأة

- علمتني امرأة
كيف ؟
أكره النساء
كيف ؟
أصنع حياتي
كيف ؟
أفعل ما أشاء
كيف ؟
أدوس حياء الدنيا
كيف ؟
أطلق معنى العفة
أطلق
باب المتعة مع حواء

ابحث عنها

ابحث عنها
بين نساء العالم
وأغوص وحيداً
فى أعماق الدنيا
أطرق باب الرحمة
أترك كل هموم
العالم خلفى
أزرع داخل عينى
صورة أنثى
أصارع شوق العين إليها
أخاطب كل طيور العشق
أن ترحمنى أن ترشيدنى

أن تصطاد عيونى
يوماً ما عينيها
دقات القلب
تعد ثوان اليوم الواحد
تسمع كل الهمس
الساكن فى الأعماق
تحلم يوماً أن تشـتاق
ولمن تشـتاق
أين حبيبة قلبى
من أهواها
هل ألقاها
أم أنى سـأـظـل
العمـر البـاقى
أبحث عنها

كيف أنجو

كيف أنجو من عيون
قيدونى بالجمـال
كيف أنجو من جفون
علمونى ما يُقال
كيف أنجو من طيور
غردوا فوق التلال
كيف أصحو من حياة
كل ما فيها يطال
هل أقاتل قلبى يوما
حتى أنجو من حريقى
أم أدافع عنه دوما
ليتـه يطفئ حريقى
أم أحاول معه يوما
ربما يصبح صديقى

يا دنيا

يا دنيا ليه نصيبى
فى الحب يكون سراب
يا دنيا ليه حبيبى
يرمينى فى العذاب
حببت ولأول مرة
قلبى يدوق الغرام
ولقيت القسوة مُره
قابلتنى هناك قوام
وكان الدنيا حره
تتحكم فى القلوب

تجرّح وتداوى هـى
وتخلّى الناس تدوب
يا دنيا يا قسوة
ليه جايله بالغروب
كان نفسى تحسّى بيّا
تاخذينى م الضباب
يا دنيا ليه نصيبى
فى الحب يكون سراب
خدت المركب مشيت
ونزلت البحر أعدى
لفيت الكون وجيت

مجروح يا دنيا وحدي
قالولى انت انتـهيت
عطشان مش لاقى ميه
حاولت معاهما ادافع
عن آخر نبض فيا
لا لقيت الحب نافع
ولا حسنت هى بيا

انتظرك

انتظرك صـوت ...
يهد الصمت فيّـا
نور يشق الضلمه بيّـا
وافتكرك يا حبيبتي
الربيع بعيون قويّـه
لما جيتي بصوت جريح
والزمان من غير ربيع
والظلام مُر وصريح
والمكان صعب وفظيع
السنين ضحكت عليّـا
انتظرتك صـوت
يهد الصمت فيّـا

شفت حیره
ونار بتکوی
نار کتیره
وموج بیطوی
کل حلم حلمت بیه
وانتظاری کان خداع
شمسه طلعت فی الغروب
واللی لسه جای ضیاع
والبدیل هو الهروب
من جراح دنیتنا دیا
انتظرتک صوت
یهد الصمت فیّا

حرفين

همه يا دوب حرفين
حرفين ومش أكر
لو شقوا يوم قلبين
تلقى النجوم تظهر
لو عرفوا باب القلب
ح يعيش ياعين مختار
ما بين نعيم القرب
وبين عذاب النار
ح يشوف حنين سكر
ويشوف انين يسهر
همه يا دوب حرفين

حرفین و مش اکر
ما تقولش لیه تاه عنی
أو هوه فین موجود
مجنون و مش مستنی
مجنون و ماله حدود
الحب فیله أنواع
موهوبه مش تتباع
نقبلها بالإجماع
وعلیها مش نقدر
همه یا دوب حرفین
حرفین و مش اکر

لو كنت بين أسوار
مفیش عیون شایفأك
أو جـوه ملیـون دار
اللى انكتب فى هواك
ح يفوت من الأسوار
ويعـدى دار ورا دار
ويقول أنا جبار
ويقول أنت أكبر
همه يا دوب حرفین
حرفین ومـش أكثر

ياريتك

ياريتك كنت انت
ربان قلبى وسفينتى
كنت أنسى البحر وأنزل
أعلن حبى ولا أسأل
فى الموج مهما يعاديننا
مهما يجيب الزمان
ما أنا واثق فى السفينة
ما أنا واثق فى الربان
ياريتك كنت انت
ورده فى جنة هوايا
كنت أنسى الشوك وأضمك

وأعلن سعدى وهنايا
وف عز الضلمه اشوفك
وأحكي مليون حكايه
أحكي من غير حدود
وف ايدى غصن بان
ما انا واثق فى الورد
ما انا واثق فى المكان
ياريتك كنت انت
الكاتب والكتاب
كنت أبعثك يا عمري
أبعث مليون جواب
واكتب من غير حروف

يُصبح عندك صواب

ولا قلبى يحس خوف

لو عاش وسط الضباب

ح اكتب على كل باب

حيصدقنى الزمان

ما أنا واثق فى الكتاب

ما أنا حاسس بالآمان

سامعك

سامعك يا أغلى الناس
كلمة غرام بتميل
سامعك نغم حساس
نجمه تشق الليل
سامعك يا أحلى عيون
سامع صدى الأصوات
فجرى اللي كان مدفون
ضحكي اللي كان صرخات
عمرى اللي كان مجنون
عدى الليالى وفات
راجع يقول هيهات
حبك دا شمس بتشرق
كلمة أمل تنبأس
مركب لا يمكن تغرق
تبدل حين حساس

احلم معانا

تظـهر تغـيب
انـت الحـبيب
تعلـن تـدارى
دايـماً قـريب
تـجرح تـداوى
أحسـن طـيب
فـاكر وناسـى
قـلبى معـاك
طـاير ورأسـى
نـجمه فـى سـماك
طـيب وقاسـى
عـمرى فـداك
بـس انـت قـوم
وانسـى الـهموم

واحللهم ... معاننا
افرح ... قوام
خلّى ... الكلام
يسعد ... هواننا
كلمة ... غرام
تبعد ... حرام
لحظة ... لقائنا
صوت ... الحمام
خلّى ... السلام
رقص ... سمانا
بس انت ... قوم
وانسى ... الهموم
واحللهم معاننا

والله لاوفيلك

الأمس كان لونك
فرحى وأحزانى
والهمس فى عيونك
بيـهـز أركـبانى
أيه لسه فى ظنونك
متخبى من تانى
دى عيونى بتصونك
لو حتى نسيانى
يا عمرى ... هـ أـحـبـك
عن شوقى ... وأشـكـك
من ظلم ... أياـمى
والله ... لاوفـيـلـك
من عمرى ... وأدـيـك
ضحكى ... وأنـغـامى

وأفضل ... أناديك
وأسهر ... أنا ليالك
وعنيكي ... قدامي
وإن غبتى ... أمشيالك
وعيونى ... هـ تشكيكك
وتكونى ... عنوانى
حبك سكن ... فى
شمسك ... مدفيه
عمرى ... وأحلامى
والسهد كان ... ليا
والبعد كان ... غيه
عندك ... يا ظلمانى
الأمس ... كان لوناك
فرحى ... وأحزانى
والهمس ... فى عيونك
بيـهز ... اركنى

ساعة عصريه

فوق سطح المياه ونسلم
على موج البحر ودايين
قاعدين ف المركب نتكلم
محناش بالعالم حاسين
وطيور الحب بتتعلم
وبترسم صورة عاشقين
دقات القلب بتتقدم
ومفيش فى الدنيا إلا اتنين
وخيوط الشمس الذهبية
فى سمانا واقفه بتستنى

والميه الحلوه معدّية
مبسوطه وماشيه بتتغنى
والدنيا الهاديه الورديه
عايزانا نحب ونتمنى
مستقبل عمر بنحكيه
على أحسن سكه يودينا
يديننا الحبيب ونديه
أيامنا وأجمل ليالينا

الحقيقة

كل عصر وله آدان
كل حب وله مكان
مهما تاه منك مكانك
مهما ضى البرق خانك
الحقيقة جايه جايه
والنتيجه هى هى
الظلام هيعود فى ثانيه
والمكان له سكه ثانيه
والمخبى رح يبان
كل عصر وله آدان

قبل ما تكون البدايه
شوف قصـادك
كـام حكاية
واللى فيها تابوا ليه
خلى عقلك يبقـى قاضى
والعواطف والنـزمان
وانت دايما تبقـى راضى
مهما حكم العقل كان

رسالة غرام

ح اكتب يا قلبي رسالة غرام
وأقولك يا حبي أحلى كلام
وأعشق زمانك وأزرع شموع
واسهر عشانك عمرى ما انام
يا يومى السعيد يا كل اشتياقى
يا حبي الوحيد يا عمرى اللى باقى
ح اغنى وأغنى وأنسى الدموع
وح افضل أدور فى بحر التلاقى
ح اشق الظلام
وح ابعت سلام لزهرة حياتى

وح اجـرى اوام

وح أكتب كلام وح اسهر ليلا تـي

اعد النـجـوم

وارسم حـروف

افكر وأشـوف

حياتك وعمـري

فـي لحظة رجـوع

فـي كل الأماكن

فـي كل الظـروف

الخوف

حروف الخوف بتدهنى

أخاف من ضيـك العـالى

وشوق الشوق متوهنى

وزارع فيها شىء غالى

تعالى نحب ونـدارى

جمال البدر من ضيـه

طريقك يبقـى مشـوارى

مفـيش فى عيونى شىء زيـه

وجودك جنبى يسـعدنى

وحضنك قلبى بكفوفك

ياريت الدنيا توعدنـي
أغنى العمر بدفوفك
تعالى ندوب ونتمنى
ونمسك بكره بايدينا
نعيش حلم ونستتي
شروق الحب فى عيننا

كلمة شوق

ياكلمة شوق مواعدانى

ياطالعه لفوق وسـيبانى

ياريتك تاخدى عنوانى

وح فضل عمرى مستنى

ليوم البعد ينسانى

بحبك والهوى ساكن

فى قلبى من زمان لكن

بحس فى نظرتك ليا

بأن عنيكى رافضانى

بلاش البعد من فضلك

ياساكنه فى قلبى ولسانى
ياكلمة شوق مواعدانى
ياريتك بس ترضينى
بنظره تهز تكوينى
فى عز البرد تكوينى
يا كلمه حلوه محبوسه
يا ضحكه فى قلبى محبوسه
وعايز أضحكها مش عارف
لأنك لسه رافضانى
ياكلمة شوق مواعدانى

ح تقدیر

ح تقدیر تجینی

وتسعد سنینی

وترضی بعبابی

وتشرب حنینی

تسامح عیوبی

وتغفر ذنوبی

وتعشق دروبی

وتسامع أنینی

أنا مش ملاك

ودا یبه فی هواك

وسايبه معاك

قلبي الـبريء

بارسم لقـاك

وأحلم معاك

يبقى فى سماك

أجمل طريق

أحلم كتـير

وأعشق وأغـير

أفرح وأطـير

كلمة تواسـينى

أربع سنين

بانت كل الحقايق
والجو ماعادش رايق
ضاعت منى فى دقايق
أربع سنين حب
من أول مره قابلتك
وسألت وقلبنى رد
فى عيونى وروحى شلتك
ماحسش بيا حد
كان ليه بس الخداع
تفرشلى الدنيا ورد
ويضيع وعدك فى ثانيه

ترهينى فى بحر خوف
وتجلى بقصه تانيه
تشكىلى من الظروف
وتضيق أربع سنين
ويعش قلبى حزين
أشكى ظلمك لمين
ومين يسمعى مين
بانت كل الحقايق
والجوماعدش رايق
ضاعت منى فى دقايق
أجمل أربع سنين

ناديتك

ناديتك... امتى

مش عارف

قابلتك... حتى

مش شايف

وخايف... أبقي

مش خايف

تتووه... عن

عينى أحلامى

لقيت... ك

ساكنه فى عروقى

غروبى

ففى روح ... القلب

بِتَقْوَمِ

ففى عين القلب

بیت نامی

فاديتاك ...

ضحكه فى عيونى

لَقِيَتْ ...

مهما ح تكونی

حیات...

وعمری وجنونی

وبلس

يشـفـى أـيـامـى

ح أجـيـلـك

وانـسـى أـحـزـانـى

وأعـيـش

العـمـر مـن تـانى

وح أزرع

جـو الحـانـى

بـلـون

الفـرح أنـغـامـى

محتاج

محتاج لعيونك

تسرقنى ...

من جوه عيون الناس

محتاج لعيونك

تدينى ...

تسقينى أجمل احساس

تأخذينى ...

ونهرب أنا وانت

ونسرق ...

العالم وخلاص

ما كفايه عليا

تكون انت

ويا وبس

مرسايا وبحري وسفينتي

وغرام يتحسس

وايه يعنى

وايه يعنى
أتوه فيكى
أكون زيك
أعيش بىكى
أكون ضيك
أكون ليكى
ما تفرقش ...
الدنيا ويايا
مدام ح تكونى ويايا
ح تبقى الدنيا
ورديـة
وتبقى الجنة جوايا

حیرتینی

حیرتینی یا قلبی معاکی
حیرتینی یا اُحلی عیون
دوبتینی فی بحر هواکی
توہتینی فی لیل مجنون
أنا مش ممکن یوم أنساکی
أنا من غیرک ... ایه أنا أکون
انت الشمس فی عز البرد
أنت العطر فی أجمل ورد
أیوه بحبک أوی وبجد
لأ یا حیاتی أنا مش قد

أنا مش قد بعادك ثانيه

أنا مش عايز الهجر يكون

له فى حياتنا يا أجمل دنيا

جزء صغير مهما يكون

حيرتيني معاكى كتير

حيرتيني يا أحلى عيون

مستحيل

مستحيل أنى أعشق

ولا أحب ولا أميل

أبقى قيس ... أبقى عنتر

أبقى أى عاشق ... مستحيل

مهما غنوا ... قالوا عنه

فى الأغانى و الحكاوى

قالوا انه ... حبه منه

يوم تصيب أو يوم تداوى

مستحيل أنى أسهر

ولا أفكر

فى ابتسامه حلوه جايله
ولا أشوف الليل نهار
ولا أقول الثلج نار
ولا أدارى دموع عينيه
ليه أعيش العمر كله
بين مرار الانتظار
ليه أكون
عاش فى جنه
وبايديا أروح لنار

ما تسألش

حببتك انت ... ليه
وعشقتك انت ... ليه
وازاى حبك انت غير كل حاجه
وف قلبى بقالـه دار
أنا معرفش ازاي حببتك
ولا كان بايدي يوم أختار
أنا بصيت بعيونى لقيتك
جنة رقيقه بريئه وسط النار
شمس الحب بدون مواعيد
تشرق ... تشرق لما تريد
مهما ان كنت قريب وبعيد
لازم سهم الحب يصيبك
لازم تعشق بالاجبار
أنا معرفش ازاي حببتك
ولا كان بايدي يوم أختار

صدقيني قلبى حبك
حب غير كل البنات
صدقيني سهم حبك
دأب معاه كل اللي فات
واللي فات من عمرى مات
وأنت أول صفحه حلوه
تبتديها الذكريات
د الحنان جنبك باشوفه
والسعادة والابتسام
والآمان زادت حروفه

والسلام داب ويا الهيام
صدقيني وحسى بيا
وابدرى حبك شويه
يزرع الأحلام فى قلبى
بالمحببه والغرام
ياللى ح فضل
عمرى أحبك
بالتوانى والساعات
صدقيني قلبى حبك
حب غير كل البنات

حيرنى هواك

حيرنى هواك ... سهرنى سعاك
يا حبيب القلب ... يا نور العين
مقدرش أنساك . بأستنى لقاك
من قبل اليوم ... بيومين اتنين
يا مدوب قلبى ... فى شوق وحنين
يا مدوب عمرى ... مع الديين
يا حبيب موصوف ... للقلب يطوف
فى عنيه الدنيا ... مع العاشقين
طول عمرى باشوف ... قلبى الملهوف
فى طريق ملان ... أشواق وحنين
قلبى المشغول ... بهواك على طول

ينده ويقول ... للوقت يطول
فى وجودك جنبه... يا أحلى سنين
بأسهر وأنام ... أحلم فى الكلام
أشواق وغرام... وسهاد وضنين
من غير أوهام ... وفراق وخصام
حندوب فى سلام ... يشفى الأيام
من كل عذاب ... وفراق وأنين

فضلت أغنى

فضلت أغنى
أهتف باسمك
حاسس كَأنى
دايب فى رسمك
رسمت صورتك
فى ليل غنايا
لقيت فى سيرتك
دليل هوايا
وحياة عيونك
لأفضل أصونك

وأبعد ظنونك

وأخذك معايا

لازم تكوني

حبي وجنوبي

ساكنه في عيوني

راحتك منايا

مش باديا

مش باديا ولا بإرادتى
أنى اخترتك تبقى حبيبتى
حبك جانى بدون مواعيد
لا استنيتته ولا استتانى
أول عمر أعيشه سعيد
أول فرح يعيشه زمانى
يشهد ربى انى انا حبيبتك
بين أحضان العين ضمنتك
عن أحزان الناس خبيتك
جوه ظلام الليل خلّيتك
تبقى القمر اللى انا باهواه

اللى بحبه واتمنـاه
يشهد ربي على الأشواق
اللى تـلى القلب يدوب
واللى تـلى العين تشـتاق
لما تبص على المحبوب
لكن بالمح جوه عيونك
أنك مش واثقه فى احساسى
فكرك ممكن قلبى يخونك
قلـبى الطيب يصبح قاسى
ممكن اصدق كل ظنونك
لو أعيش من غير أنفاسى

علمینی

علمینی ازای اعیـش

بیقی لیا جناح وریـش

لما أطیر ما یـهمـنیش

من خداع دنیانا دیا

علمینی ازای اکـون

بسمه فوق کل العیـون

نسمه هادیـه ع الغصـون

وابعدی عنی القسـیه

علمینی أبداً طریقـی

کل حلم ألقاه حقیقـی

وازرعيه كله فى عينا
علمينى أنسج خيوط
ابقى رافض نلـسـكـوت
لاجل كل الناس أموت
والسعادة تهون عليا
علمينى أبداً منين
أسعد القلب الحزين
أحى دمة كل عين
بس كونى انت اللى ليا
وفجـرى وشـروقى

ح تتقابل

ح نتقابل ونزرع فجر جوانا

ح نتقابل ولسه العمر ويانا

ح نغزل بالأمل شال

ونبعت ألف مرسال

نقول للدنيا تسكتني

ح تبقي الصحرا دی جنہ

وطير الفرح يهوانا

ح نتقابل ونزرع فجر جوانا

يطيب الجرح ... ونعمل صرح

يُخْلِى الْعَيْنَ تَقُولُ لِلْعَيْنِ

ونبقى اثنين بروح واحد

ح نتقابل فى ضوء الشمس

ويبقى الهمس جوانا

كلام محسوس

ح نتقــــــــــــــــابل

نجيب الأمس والحاضر

وفوق اليأس ح ندوس

ح نتقــــــــــــــــابل

وصوت الطير يونسنا

وحزن الغير ما يلمسنا

وبدر يطل يعشقنا

وغدر الكل ينسنا

ح نتقابل ونزرع فجر جوانا

انت ليہ

يا عيون بريئه هاديه ورقيقه
حبك حقيقه ساكنه فى خيالى
يا بحور غريقه ح اختار طريقه
وتكون جريئه وأسأل سؤالى
انتى ليہ قلبى انفتحتك
من جميع الناس ندهلك
والعيون سهرت لىالى
انت جنه ولا نار
لما شفتك عقلى دار
وانشغل بالحب بالى
شفتى حبك يا حبيبتى

خلى قلبى يعمل ايه
خلى قلبى الحر يسهر
ليل نهار دايماً يفكر
والنجوم تشهد عليه
قبل ما يقابلك ويعرف
إن ده حب وغرام
كان يشوف عاشق بيعشق
كان يقول والله حرام
لما داق حبك وجرب
والعيون نسيت تنام
قال دى نار الحب جنه
بس نوصل يوم اليه

صدقـت

دلوقتى خلاص حبيت
وبقيت سيد العشاق
وبجبه يا قلبى رضيت
تسهر تحلم تشـتاق
تفرح وتعيش متـهنى
ونجوم الليل شايفاك
وطيور الحب تغنى
وتقول والنـبى ريداك
والقمر يعيش مستنى
والشمس تقول باهواك

صدقني يا قلبي خلاص
إن المذنب بيتوب
وإن الأيـام بتهدى
وإن المكتوب مكتوب
والدنيا تجيب وتودي
وتشوف غالب مغلوب
وأنا عمري ما كنت أصدق
أنك تعشق وتدوب
لوقتني خلاص حبيت
وبقيت سيد العشاق

أنا إنسانه

عائشه أغنى ... حاسه كانى

فى ليل متحنى ... بأجلى شموع

أرفع صرحى ... أدواى فى جرحى

أعلن فرحى ... بصوت مسموع

أفتح دارى ... أقول لنهارى

تعالى ندارى ... شجن ودموع

انا إنسانه

الحب صدىقى ... طريقه طريقى

أبلع ريقى ... ومش باهتم

رافضه الضلمه ... كاتبه الكلمه

بعزم وهمه ... بلاش الهم
لو سهراته ... أو حيرانه
أنا انسانه ... بلحم ودم
عندى المبدأ ... دائماً ابداً
واسبق حلم فى عمرى بعيد
أرفع صوتى ... أهد سكوتى
وأرفض موتى ... بدون مواعيد

قربنى من قلبك

قربنى من قلبك
وانسى الفروق ديّا
القلب لو حبك
ح يكون معديّه
تاخذنا وتعدي
بين شوق وحنّيّه
بس انت ما تخافش
قرب ما تسألش
الفرح لو زارك
ح يكون اكيّد ليّا
قربنى من قلبك
وانسى الفروق ديّا

اسمعنى يا غالى
الحب شئ اكبر
والحال دا مشى حالى
دفينى بعيونك
واسقيني اشواقك
والكلمه لو تاهت
هاتها وقولها لى
اسمعنى ربحنى
صحى الأمل فيا
قربنى من قلبك
وانسى الفروق ديا
يا ريت تصدقنى

وتهدى افكـارك
إنك لا تهجرنى
ولا تنسى مشوارك
القلب دا حبيبك
والعقل دا اختارك
ما شافش غير قلبك
مش حس غير نارك
اسمعنى ريحنى
صحى الأمل فىنا
قربنى من قلبك
وانس الفروق دينا

أعمال تحت الطبع

ديوان باسم

عام الحصاد

عام الحصاد

خلصت سنين الدراسه اكيد
ضرب البروجى لعام الحصاد
غرغر كناريا الليل السعيد
صحصح غراب السهر والسهاد
مر مر فى ايدى لقيته حديد
فضفض بكايا لرب العباد
يا ريت الحكايه حكاية نضال
نشرب رمايه وننحت جبال
وناكل جرايه فى قلب القتال
ونزرع بدايه تطرح رجال
يصدوا يعدوا يهدوا المحال
يجيبوا الهدايا فى يوم القتال
بس الحقيقه يا افندم تمام
فى عصر التقدم وبكره الجديد

رجعنا رجعنا مئات السنين
دخلنا وعشنا فى عصر العبيد
تنفذ وتسكت وصوتك يلين
يا تدخل زنازن وتصبح وحد
وتطلع دوسيهك أسود لعين
دى لعبة كراسى وانت الضحية
ولازم هـ تقعد وسط الاتين
وتاكل وتشرب بقايا الصديد
وتكتم فى نفسك ليوم الميعاد
ولحظة م تسمع صراخ البروجى
بيعلن نهاية عام الحصاد
حصاد العدالة وقطف الحنين
وزرع الثمالة فى جوف السنين
تاخذ شهادتك فى دنيا الخريف
لان الزمان ح يرفض وجودك

تمشى وتسكت لآنك ضعيف
هى سلاحهم ومركز قيودك
العدل غاب وانطوى
والظلم فينا انتشر
حاولت اجيب الدوى
قدام عيون البشر
فرقع رنين الهوى
ضى العيون انكسر
صرخت باعلى صوتى
الصوت فى حلقى انحسر

طفل الحجاره
طفل الحجاره قدم اشاره
أهل الحضاره دول كدابين
رفعين شعار إن الدمار
هو القرار لجل الخلاص م المسلمين
جنس الصهاينه واضحه وبائنه
عاملين معائنه ناصبين كمين
آخر بشاعه تطلع اذاعه
تنقل اشاعه امة محمد دول مجرمين
ان كنت ناسى معنى المآسى
دور وقاسى تلقى اليهود
بعيون جريئه مليون طريقه
قتلوا الحقيقه خانوا العهود

الشاعر فى سطور

سید سلام

من موالید قصاصین الشرق — الحسینیة — شرقیة

صدر له دیوان بعنوان تمن البوسه

حاصل على عدة جوائز فى كتابة الأغانى

وشعر العامیه والزجل

نشرت له أعمال فى جمیع الجرائد والمجلات الوطنیة

عضو عامل بقصر ثقافة فاقوس

له دیوان تحت الطبع بعنوان عام الحصاد

الفهرس

م	المحتوى	الصفحة
١	إهداء	
٢	إهداء خاص	
٣	مغروره	٧
٤	قرارى الأخير	٩
٥	تعت كثير	١١
٦	ابعديتى	١٣
٧	معذور	١٤
٨	نويت	١٦
٩	يا هجرنى	١٨
١٠	بلاش الوداع	٢٠
١١	أحلامى	٢٣
١٢	أرصدها	٢٤
١٣	علمتنى امرأة	٢٦
١٤	ابحث عنها	٢٧
١٥	كيف أنجو	٢٩
١٦	يا دنيا	٣٠
١٧	انتظرك	٣٣

م	المحتوى	الصفحة
١٨	حرفين	٣٥
١٩	يا ريتك	٣٨
٢٠	سامعك	٤١
٢١	احلم معانا	٤٢
٢٢	والله لاوفيك	٤٤
٢٣	ساعة عصرية	٤٦
٢٤	الحقيقة	٤٨
٢٥	رسالة غرام	٥٠
٢٦	الخوف	٥٢
٢٧	كلمة شوق	٥٤
٢٨	ح تقدر	٥٦
٢٩	أربع سنين	٥٨
٣٠	ناديتك	٦٠
٣١	محتاج	٦٣
٣٢	وايه يعنى	٦٥
٣٣	حيرتنى	٦٦
٣٤	مستحيل	٦٨

م	المحتوى	الصفحة
٣٥	ما تسألنيش	٧٠
٣٦	صدقيني	٧١
٣٧	حبرني هواك	٧٣
٣٨	فضلت أغنى	٧٥
٣٩	مش باديأ	٧٧
٤٠	علميني	١٣
٤١	ح نتقابل	٨١
٤٢	انت ليه	٨٣
٤٣	صدقك	٨٥
٤٤	أنا انسانه	٢٠
٤٥	قربني من قلبك	٨٩
٤٦	أعمال تحت الطبع	
٤٧	الشاعر في سطور	

رقم الإيداع / ٥٨٢٣ / ٢٠٠٢

بدار الكتب المصرية